

'E penziere nun me lassano mai,  
so' pirati e spade attuorno a me  
'nu furziere 'e storie a nun fernì  
E quante vvote veco sulo  
fili agitati che me 'ncantano,  
ca me sto zitto dint''o scuro, senza capì.

'E vote 'e cose nun succedono  
e 'sti pensieri un me lassano,  
se so' cattivi, piglia e scassano  
senza pavà

certe jurnate un passano mai,  
so' fierri filate attuorno a me  
nu rusario 'e scuse a nun fernì  
E chelli vvote veco sulo  
facce gelate ca' me guardano  
ca si 'a fenesta è aperta, a chiudo senza parlà.

'E vote 'e cose nun succedono  
e so' jurnate ca' nun contano,  
se 'e staije cercanno piglia e passano,  
senza guardà

'E cumpagne nun bastano mai  
quanno tiene 'o munno annanzo a te  
ma nun tiene 'o tiempo 'e ce trasì...

'E vote 'e cose nun succedono  
e so' jurnate ca' nun contano,  
se 'e staje cercanno piglia e passano  
senza guardà

'E vote 'e cose nun succedono  
e 'sti pensieri nun me lassano  
se so' cattivi, piglia e scassano  
senza pavà.